



REPUBLIKA E SHQIPËRISË  
BASHKIA POGRADEC  
KRYETARI

Nr. 4738/18 prot.

Pogradec, më 15.11.2024

**Lënda:** Dërgohet materiali për shqyrtim e miratim.

**Znj. Manjola Kamolli, KRYETARE E KËSHILLIT BASHKIAK**

**E nderuar zonja Kryetare,**

Bashkëngjitur po ju dërgojme projekt vendimin, dhe relacionet shoqëruese:

**“MBI DHËNIE SHPËRBLIM PËR NXËNËSIT EKSELENTË QË KANË PËRFUNDUAR  
ARSIMIN E MESËM NË VITIN SHKOLLOR 2023-2024”**

Me respekt

**Kryetari**

**Ilir XHAKOLLI**



Nr. i faqeve A4 të projekt-vendimit: 2 faqe

Nr. i faqeve A4 të relacionit shoqërues: 3 faqe



REPUBLIKA E SHQIPËRISË  
BASHKIA POGRADEC  
KËSHILLI

Nr. \_\_\_\_\_ Prot.

Pogradec, më \_\_\_\_ . \_\_\_\_ .2024

PROJEKTVENDIM

NR. \_\_\_\_\_, DATË \_\_\_\_ . \_\_\_\_ .2024

**“MBI DHËNIE SHPËRBLIM PËR NXËNËSIT EKSELENTË QË KANË PËRFUNDUAR  
ARSIMIN E MESËM NË VITIN SHKOLLOR 2023-2024”**

Në mbështetje të Ligjit nr. 139/2015 “Për Vetëqeverisjen Vendore”, i ndryshuar. Ligjit nr. 68/2017 “Për financat e vetëqeverisjes vendore”, Ligjit nr. 9936, datë 26.06.2008, “Për menaxhimin e sistemit buxhetor të Republikës së Shqipërisë”, i ndryshuar, Ligjit nr. 44/2015, Kodi i procedurave administrative i Republikës së Shqipërisë, Ligjit nr.8480, datë 27.5.1999 për funksionimin e organeve kolegjiale të administratës shtetërore dhe enteve publike dhe Vendimit të Këshillit Bashkiak Nr.140, më datë 28.12.2023 “Për miratimin dhe detajimin e buxhetit të Bashkisë Pogradec për vitin 2024”, Bashkia Pogradec parashikon një fond të caktuar për shpërblimin e nxënësve ekselentë të klasave të 12-ta në gjimnazet e Bashkisë Pogradec dhe Njësive Administrative për vitin shkollor 2023-2024 me propozim të Kryetarit të Bashkisë,

**KËSHILLI BASHKIAK  
V E N D O S I:**

1. Të trajtohen me shpërblim financiar nxënësit ekselentë të arsimit të mesëm të përgjithshëm si më poshtë:

Nr	Emri	Atësia	Mbiemri	Nota mesatare	Institucioni Arsimor
1	Kesjana	Edi	Dikellari	9.97	Nehemia
2	Amelia	Altin	Gusho	9.93	Nehemia
3	Stesi	Festim	Veizi	9.91	Rilindja
4	Klajdi	Benard	Belshi	9.9	Nehemia

5	Bora	Vangjush	Pano	9.87	Muharrem Çollaku
6	Fabjo	Jetmir	Fero	9.87	Muharrem Çollaku
7	Katrina	Leonat	Mile	9.86	Muharrem Çollaku
8	Valeria	Gentian	Gusho	9.85	Muharrem Çollaku
9	Leandja	Armand	Kishta	9.85	Gjergj Pekmezi
10	Rea	Ardjan	Fero	9.85	Gjergj Pekmezi
11	Rei	Artan	Zhiva	9.85	Gjergj Pekmezi
12	Sindi	Leonard	Ymetllari	9.84	Gjergj Pekmezi
13	Enri	Gentjan	Ristollari	9.82	Muharrem Çollaku
14	Piro	Nuçi	Vesho	9.81	Muharrem Çollaku
15	Sava	Shkëlqim	Rrusho	9.8	Gjergj Pekmezi
16	Henri	Feridon	Hyko	9.8	Nehemia
17	Fjona	Pëllumb	Hoxhallari	9.8	Rilindja

2. Nxënës që kanë dorëzuar dokumentat po janë me notë mesatare nën kriterin e përcaktuar.

Nr	Emri	Atësia	Mbiemri	Nota mesatare	Institucioni Arsimor
1	Irini	Lefter	Gjata	9.79	Muharrem Çollaku
2	Robens	Ani	Beçoku	9.71	Nehemia
3	Klei	Emil	Guxholli	9.55	Nehemia

2. Ngarkohet Qendra Arsimore, Bashkia Pogradec, dhe Drejtoria Ekonomike dhe e Menaxhimit Financiar, për zbatimin e këtij vendimi.

3. Ky vendim hyn në fuqi 10 ditë pas shpalljes publike.

**KRYETAR**  
**Manjola KAMOLLI**



REPUBLIKA E SHQIPËRISË  
BASHKIA POGRADEC  
KRYETARI

Nr. 4738/Prot  
8

Pogradec, më 15.11.2024

RELACION

Në lidhje me Projekt - Vendimin për “Mbi dhënie shpërblim për nxënësit ekselentë që kanë përfunduar arsimin e mesëm në vitin shkollor 2023-2024”,

**E nderuar Kryetare e Këshillit!**

**Të nderuar Këshilltarë !**

Në mbështetje të Ligjit nr. 139/2015 “Për Vetëqeverisjen Vendore”, i ndryshuar, Ligjit nr. 68/2017 “Për financat e vetëqeverisjes vendore”, i ndryshuar, Ligjit nr. 9936, datë 26.06.2008, “Për menaxhimin e sistemit buxhetor të Republikës së Shqipërisë”, i ndryshuar, Ligjit nr. 44/2015, “Kodi i Procedurave Administrative i Republikës së Shqipërisë”, Ligjit nr.8480, datë 27.5.1999 “Për funksionimin e organeve kolegjiale të administratës shtetërore dhe enteve publike”, dhe Vendimit të Këshillit Bashkiak Nr.140, më datë 28.12.2023 “Për miratimin dhe detajimin e buxhetit të Bashkisë Pogradec për vitin 2024”, Bashkia Pogradec, ka parashikuar një fond prej **400,000 (katërqind mijë) lekë**, “Shpenzime të tjera, ndihma dhe stimuj për student”, për shpërblimin e nxënësve ekselentë të klasave të 12-ta për vitin shkollor 2023-2024, duke përfshirë shkollat publike dhe jopublike në të gjithë territorin e Bashkisë Pogradec. Kriteri i vetëm ishte nota mesatare 9.80 ose më lart, sipas shpalljes së njoftimit.

Shpallja e njoftimit lidhur me dorëzimin e dokumentacionit të nevojshëm për këta nxënës është bërë më datën 01.10.2024 me një afat prej 25 ditësh.

Pranë Qendrës Arsimore, Bashkia Pogradec, janë dorëzuar gjithsej 20 dosje me dokumentacionin përkatës për secilin nxënës, ku në bazë të mesatares së notave 17 nxënës janë brenda kriterit të përcaktuar në njoftim dhe 3 nxënës janë nën kriterin minimal sipas listës tek tabela e PV.

## **Argumentimi ligjor mbi natyrën e aktit administrativ:**



### **Aktet administrative sipas natyrës së aktit ndahen në:**

- 1) Akte administrative me karakter normativ
- 2) Akte administrative me karakter individual
- 3) Akte administrative me karakter kolektiv

Sipas përcaktimit të nenit 13 pika 2 të ligjit 139/2015 “Për vetëqeverisjen vendore” i ndryshuar, “Vendimet, urdhrat dhe urdhëresat me karakter normativ të organeve të vetëqeverisjes vendore i nënshtrohen verifikimit të ligjshmërisë nga autoriteti i përcaktuar me ligj.”

Po kështu, në ligjin 107/2016 “Për Prefektin e Qarkut”, i ndryshuar, neni 4, pika 1, përcakton: “Akte me karakter normativ” janë vendimet, urdhrat dhe urdhëresat e organeve të vetëqeverisjes vendore, përmes së cilës shprehet vullneti i këtyre organeve, në ushtrimin e funksionit të tyre publik, që i drejtohen subjekteve të papërcaktuara të së drejtës me qëllim përcaktimin e normave të përgjithshme të sjelljes dhe që i shtrijnë efektet në mënyrë të vazhdueshme dhe jo të njëhershme, brenda territorit të juridiksionit të organit të vetëqeverisjes vendore”.

Më tej, ky ligj në nenin 8 shkronja “a” përcakton se është përgjegjësi e Prefektit, verifikimi i ligjshmërisë së akteve me karakter normativ të organeve të vetëqeverisjes vendore.

Nga sa më sipër organet përgjegjëse pranë bashkisë kanë detyrimin e interpretimit të natyrës normative të aktit administrativ, procedurë e cila përcakton nëse akti administrativ që do të miratohet në Këshillin Bashkiak do të verifikohet ose jo nga Prefekti i Qarkut Korçë për përputhshmëri ligjore.

Akti nënligjor normativ është një nga mënyrat se si autoritetet e pushtetit shtetëror, të ndryshme nga Kuvendi, rregullojnë me norma me karakter të përgjithshëm çështje të cilat ligji ua ka njohur atyre ushtrimin e pushtetit.

Bazuar në ligjin 44/2015 “Kodi i Proçedurës Administrative”, neni 3, pika 2 përcakton si vijon: “Akt normativ nënligjor” është çdo shprehje e vullnetit nga një organ publik, në ushtrimin e funksionit të tij publik, që rregullon një apo disa marrëdhënie juridike, duke vendosur rregulla të përgjithshme të sjelljes dhe nuk është i shteruar në zbatimin e tij.

Neni 3 pika 1 shkronja “a” e Kodit të Procedures Administrative jep kete perkufizim për 1. “Akti administrativ”:

a) “Akti administrativ individual” është çdo shprehje e vullnetit nga organi publik, në ushtrimin e funksionit të tij publik, kundrejt një apo më shumë subjektsh të përcaktuara individualisht të së drejtës, i cili krijon, ndryshon ose shuan një marrëdhënie juridike konkrete;

b) "Akti administrativ kolektiv" është një shprehje e vullnetit nga organi publik, në ushtrimin e funksionit të tij publik, që i drejtohet një grupi subjektsh, anëtarët e të cilit janë të përcaktuar individualisht ose mund të përcaktohen individualisht mbi bazën e karakteristikave të përgjithshme, i cili krijon, ndryshon ose shuan një marrëdhënie juridike konkrete;

Akti normativ përcakton rregulla për një situatë abstrakte dhe që ju drejtohet një numri të pacaktuar subjektsh.

Në rastin e këtij projekt vendimi, gjykojmë se ai është një projekt-vendim i cili plotëson elementet e përcaktuar në nenin 3, pika 1 "a", të ligjit 44/2015 "Kodi i Procedurës Administrative", pasi është një akt i nxjerrë nga një organ publik për interes të një grupi të caktuar subjektsh të së drejtës të përcaktuar individualisht.

Gjatë zbatimit të tij, ky projekt-vendim shtrin efektet në të gjithë shkollat publike dhe jopublike në të gjithë territorin e Bashkisë Pogradec

**Perfundimisht konkludojmë** se akti administrativ është i natyrës administrative individuale dhe si i tillë nuk kërkon verifikimin e përputhshmërisë ligjore nga Prefekti Qarkut Korçë, sipas ligjit.

Duke ju falenderuar për mbështetjen tuaj, ju ftojme ta votoni propozimin për miratimin e Projekt-Vendimit "Mbi dhënie shpërblim për nxënësit ekselentë që kanë pëfunduar arsimin e mesëm në vitin shkollor 2023-2024".

### **Ftojme Këshilltarët të votojnë këtë Projekt Vendim.**

#### **Të dhënat e Projekt-Vendimit:**

Konceptoi: Ledio SHKULLAKU

Miratoi: Anxhela ANDONI

Konfirmoi bazën ligjore dhe aktin: Katerina TANE

Konfirmoi: Irsa KARAPANÇA

Dritan BABASULI

**KRYETAR**

**Ilir XHAKOLLI**